

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

Bilten 2

JUNI/JULI 2022

**Izdavač: Centralna
izborna komisija
BiH**

**Danijela Ozme 7
71000 Sarajevo**

**E-mail:
kontakt@izbori.ba**

Bilten Centralne izborne komisije Bosne i Hercegovine

Elektronsko izdanje BROJ 2, juni/juli 2022. godine

Izdavač:

Centralna izborna komisija Bosne i Hercegovine

Danijela Ozme 7

71 000 Sarajevo

Za izdavača:

Dr. Suad Arnautović

Urednik:

Maksida Pirić

Redakcija:

Goran Mišković

Jakuf Subašić

Ermin Kos

Mišo Krstović

Hasida Gušić

Prilozi stručnih službi Sekretarijata CIK BIH

Centralna izborna komisija Bosne i Hercegovine je u junu i julu 2022. godine održala 12 sjednica sa 171 tačkom dnevnog reda.



Sjednice Centralne izborne komisije Bosne i Hercegovine se mogu pratiti UŽIVO ili pogledati naknadno na

www.izbori.ba

ili na

<https://www.youtube.com/c/IZBORIBIH>

[a pratite nas i na društvenim mrežama](#)



Izvod iz Privremenog biračkog spiska izlaže se na uvid javnosti u periodu od 120. do 90. dana prije dana održavanja izbora. Za Opće izbore 2022. godine koji će se održati 02.10.2022. godine, period izlaganja je bio od 04.06. do 04.07.2022. godine.



Izvod iz Privremenog biračkog spiska izrađen je sa stanjem na dan raspisivanja izbora, tj. 04.05.2022. godine u elektronskoj verziji, po osnovnim izbornim jedinicama i biračkim mjestima sa prethodnih izbora. CIK BiH je pozvala sve državljane s biračkim pravom da izvrše uvid u izvode, te da ukoliko utvrde potrebu za ispravkom i dopunom svojih podataka odmah kontaktiraju nadležni matični ured i centar za birački spisak kako bi se izvršile potrebne ispravke ili dopune.

Visoki predstavnik međunarodne zajednice u BiH gđin Christian Schmidt 07. juna 2022. godine donosi Odluku o odobravanju raspodjele sredstava na ime pokrića rashoda vezanih za Opće izbore u Bosni i Hercegovini 2022. godine, Odluku kojom se donosi Zakon o izmjenama i dopunama Izbornog zakona BiH i Odluku kojom se donosi Zakon o izmjenama i dopunama Zkona o finansiranju institucija Bosne i Hercegovine. Na taj način je sistemski riješeno pitanje finansiranja izbora u Bosni i Hercegovini. Za potrebe provedbe Općih izbora 2022. godine Centralnoj izbornoj komisiji BiH su doznačena finansijska sredstva u iznosu od 12.528.00 KM.



Centralna izborna komisija BiH se javno zahvalila gđinu Schmidtu i prijateljima iz međunarodne zajednice koji su prepoznali i u potpunosti razumjeli nezavidnu situaciju u kojoj se godinama unazad nalazi Centralna izborna komisija BiH u vezi sa osiguranjem finansijskih sredstava za vršenje ovlaštenja propisanih zakonom. Centralna izborna komisija BiH je istovremeno izrazila i razočarenje zbog toga što nadležni organi Bosne i Hercegovine, i pored niza apela, nisu postupili u skladu sa svojim obavezama iz izbornog zakona BiH.

Dan nakon što je Visoki predstavnik Christian Schmidt svojom odlukom osigurao finansijska sredstva za provedbu Općih izbora 2022. godine, predsjednik Centralne izborne komisije Bosne i Hercegovine dr. Suad Arnautović i direktor „Unioninvestplastike“ d.d. Sarajevo Jasmin Muminović su potpisali Okvirni sporazum o nabavi usluga štampanja i pakovanja glasačkih listića za Opće izbore 2022 godine okvirne vrijednosti 1.634.069,00 KM sa PDV-om.



Dr. Arnautović je potpisao i Ugovor o prijavi vlasništva o skladištenju valjka za utiskivanje vodenog žiga.

Za potrebe štampanja oko 14 miliona glasačkih listića nabavit će se 120 tona papira.

U okviru projekta kojeg Centralna izborna komisija BiH realizira uz podršku Udruženja izbornih zvaničnika u BiH i ambasade Švicarske u BiH u period od maja do novembra 2022. godine bit će objavljeno 14 podcasta “Opći izbori 2022. godine”. U junu i julu 2022. godine objavljena su četiri podcasta u kojima su gosti govorili o finansiranju izborne kampanje, podnošenju kandidatskih listi, zaštiti izbornog prava i akreditiranju izbornih posmatrača.

Sve intervjuje možete pogledati na <https://www.izbori.ba/?Lang=3&CategoryID=1222>





Međunarodna fondacije za izborne sisteme (IFES) sa sjedištem u Vašingtonu DC je 14. juna 2022. godine dr. Ireni Hadžiabdić, članici Centralne izborne komisije BiH dodijelila godišnje priznanje Joe. C. Baxter za izuzetnu posvećenost: svakom segmentu izbornog procesa, transparentnosti izbornog procesa i unapređenju izbornog procesa.

Prema ocjeni IFES-a dr. Hadžiabdić je svojim ličnim i profesionalnim angažmanom i odnosom bila primjer izornoj administraciji u svojoj zemlji i cijelom svijetu.

Ministar za Evropu i Sjevernu Ameriku u Vladi Ujedinjenog Kraljevstva gđin James Cleverly i Nj.E. Matthew Field, tadašnji ambasador Ujedinjenog Kraljevstva u BiH su 16.06.2022. godine posjetili Centralnu izbornu komisiju BiH i sastali se sa predsjednikom i članovima CIK BiH.



Tokom sastanka ministar Cleverly je najavio novi projekat koji će finansirati Ujedinjeno Kraljevstvo sa ciljem da poboljša postojeći nivo povjerenja javnosti u integritet i pravičnost izbornog procesa. Naime, u pitanju je nabavka posebnih štambilja koji će se koristiti za ovjeru glasačkih listića a što za cilj ima onemogućavanje izbornih manipulacija i prevara.

Na osnovu Izvještaja o izvršenoj reviziji finansijskih izvještaja političkih subjekata za 2019. godinu i nalaza revizije, na 28. sjednici održanoj 16.06.2022. godine Centralna izborna komisija BiH je zbog kršenja odredbi Zakona o finansiranju političkih stranaka izrekla novčane kazne 51 političkoj stranci u ukupnom iznosu od 336.300 KM. Prilikom određivanja visine novčane kazne Centralna izborna komisija BiH je cijenila finansijsko stanje političke stranke, olakšavajuće i otežavajuće okolnosti.



Izvještaji o reviziji i pregledu finansijskih izvještaja političkih stranaka za 2019. Godinu dostupni su javnosti na <https://bit.ly/3JudhMs>, dok se snimak 28. sjednice Centralne izborne komisije BiH na kojoj su izrečene novčane kazne političkim strankama može pogledati na youtube kanalu <https://bit.ly/3zTcUb8>.

Dana 21.06.2022. godine u Domu Ujedinjenih nacija u Sarajevu gđa Vanja Bjelica-Prutina je u ime Centralne izborne komisije BiH potpisala zajedničku izjavu “Zajedno protiv govora mržnje”.

Osim Centralne izborne komisije BiH izjavu su potpisali predstavnici Regulatorne agencije za komunikacije BiH, Agencije za ravnopravnost spolova BiH i Institucije ombudsmena za ljudska prava BiH.

Institucije potpisnice izjave su potvrdile prednost i odlučnost da se bore i osude sve oblike govora mržnje, u skladu sa njihovim nadležnostima i međunarodnim normama.



Na ovaj način je Centralna izborna komisija BiH još jednom potvrdila svoju snažnu opredjeljenost za borbu protiv govora mržnje, u skladu sa svojim ovlaštenjima, te politiku nulte tolerancije u odnosu na govor mržnje.

Dana 21.06.2022. godine delegacija Kluba Zelenih/Evropskog slobodnog saveza u Evropskom parlamentu (Tineke Strik – Nizozemska, Viola Von Cramon – SR Njemačka, Romeo Franz – SR Njemačka i zastupnik u Bundestagu Boris Mijatović) sa saradnicima se sastala sa predsjednikom i članovima Centralne izborne komisije BiH.



Organizacija i provedba Općih izbora u BiH zakazanih za nedjelju, 02.10.2022. godine bila je glavna tema sastanka. Akcenat je stavljen na izazove sa kojima se susreće Centralna izborna komisija BiH.

Kako bi javnost u Bosni i Hercegovini bila upoznata sa svim vrlo intenzivnim aktivnostima koje provodi Centralna izborna komisija BiH, dana 22.06.2022. godine održana je konferencija za novinare Centralne izborne komisije BiH koja je emitirana i UŽIVO putem youtube kanala Centralne izborne komisije BiH i čiji snimak se može pogledati na <https://bit.ly/3d3zpkX>.



U organizaciji Ureda Vijeća Evrope u Sarajevu i Misije OSCE-a u BiH na Ilidži je 24. i 25.06.2022. godine održana konferencija “Odgovor sektora kaznenog pravosuđa na prijetnje ispravnosti i integritetu izbora”.

Prvi put u Bosni i Hercegovini raspravu o “izbornim prevarama” su vodili stručnjaci iz pravosudnih institucija, policijskih agencija i Centralne izborne komisije BiH.



Zključke sa konferencije možete pročitati na <https://bit.ly/3PYKSAH>.

Članovi Misije za procjenu potreba u Bosni i Hercegovini Evropske mreže organizacija za praćenje izbora (ENEMO) su 26.06.2022. godine posjetili Centralnu izbornu komisiju Bosne i Hercegovine.

Predsjednik i članovi Centralne izborne komisije BiH su se sastali sa dr. Zlatkom Vujovićem, izvršnim direktorom ENEMO-a i Pierreom Peytier, voditeljem izbornog odjela ENEMO-a.

Članove Misije ENEMO-a su interesirale informacije o predstojećem izbornom procesu u BiH i mogućnost međunarodne posmatračke misije ENEMO-a u BiH.

Od 2001. godine, kada je osnovana, ENEMO je kao nevladina organizacija rasporedila gotovo 40 međunarodnih misija za posmatranje izbora u 11 zemalja.



Transparency International u BiH (TI BiH) je 28. i 29. juna 2022. godine u Sarajevu održao obuku za 76 posmatrača koji će pratiti predizborne aktivnosti u periodu od tri mjeseca prije održavanja Općih izbora u BiH 2022. godine.

Pored predstavnika TI BiH, koji su posmatrače detaljno upoznali sa metodologijom monitoringa, posmatrači su imali priliku čuti više o zakonskom okviru i primjerima iz prakse od članica Centralne izborne komisije BiH dr. Irene Hadžiabdić i Vanje Bjelica-Prutine.

Posmatrači će vršiti praćenje institucija i obrazaca ponašanja kandidata i zvaničnika prije i tokom izborne kampanje, sa ciljem da uoče i dokumentuju potencijalno korištenje javnih sredstava i pozicija u svrhu izborne kampanje, ali i ostale vidove zloupotreba i kršenja izbornog zakonodavstva.

Na inicijativu Centralne izborne komisije Bosne i Hercegovine, o sigurnosnom aspektu provedbe Općih izbora 2022. godine u BiH, razgovarano je na sastanku dr. Suada Arnautovića, predsjednika Centralne izborne komisije BiH sa gospodinom Mirsadom Vilićem, direktorom Direkcije za koordinaciju policijskih tijela BiH održanom 01.07.2022. godine.



Centralna izborna komisija BiH je od sigurnosnih agencija u BiH zatražila podršku u osiguranju objekata i izbornih aktivnosti, kao što je policijska pratnja i osiguranje distribucije izbornog materijala, distribucije papira za štampanje glasačkih listića sa vodenim žigom od granice BiH do štamparije i drugo.

Dr. Arnautović se zahvalio gospodinu Viliću na promptnoj reakciji i pokazanoj spremnosti da Direkcija za koordinaciju policijskih tijela BiH poduzme sve radnje iz svoje nadležnosti u vezi sa sigurnošću izbornog procesa u BiH.

Na panel diskusiji koju je 02. jula 2022. godine u Neumu organizirao Međunarodni republikanski institut (IRI) na temu “U susret izborima: Opći izbori u BiH- izazovi iprilike”, kao jedan od panelista učestvovao je i dr. Suad Arnautović, predsjednik Centralne izborne komisije BiH. O ulozi Centralne izborne komisije BiH u periodu političkih napetosti i o povjerenju građana u izborni proces, pored ostalog se diskutiralo u panelu na kojem je učestvovao dr. Arnautović.





U organizaciji Westminster fondacije za demokratiju na Jahorini je 02. i 03. jula 2022. godine održana konferencija pod nazivom „U susret Izborima 2022: Da li su pravila ista za sve?“. Vanja Bjelica-Prutina, članica Centralne izborne komisije BiH je učestvovala u otvaranju konferencije na kojoj je vođena diskusija o tome da li žene i muškarci imaju iste startne pozicije i jednake prilike tokom predizborne kampanje, te sa kojima se izazovima žene susreću u politici, ali i na koji način muškarci mogu biti saveznici u tom procesu. Centralna izborna komisija BiH je prepoznala značaj konferencije i pitanja koja se njome pokreću.

Dana 05.07.2022. godine na inicijativu Centralne izborne komisije BiH u Tužilaštvu Bosne i Hercegovine je održan sastanak v.d. glavnog tužioca Milanka Kajganića, njegovog zamjenika, kao i tužioca Tužilaštva BiH, sa delegacijom Centralne izborne komisije BiH, na čelu sa predsjednikom dr. Suadom Arnautovićem.

Centralne teme sastanka odnosile su se na zakonitost i sigurnost predstojećeg izbornog procesa u Bosni i Hercegovini.

Dužnosnici dvije institucije, istakli su da se prate sve pojave i dešavanja koje mogu ukazivati na eventualnu ugroženost i nezakonito djelovanje u vezi izbornog procesa, kako u fazi prijava i tekućih priprema za predstojeće Opće izbore, tako i u nastavku procesa u narednom periodu kada se očekuje intenzivna izborna kampanja kao i sam izborni proces 2. oktobra 2022. godine.






Centralna izborna komisija Bosne i Hercegovine je, u skladu s članom 2.2 stav (5) Izbornog zakona Bosne i Hercegovine, u saradnji sa Misijom OSCE-a u Bosni i Hercegovini, u periodu od 04. do 15. jula 2022. godine organizirala obavezne edukacije članova općinskih/gradskih izbornih komisija. Prva edukacija je organizirana u Bijaču, zatim u Banja Luci, Tesliću, Tuzli, Mostaru i Sarajevu.

Teme edukacija su bile: određivanje biračkih mjesta, imenovanje biračkih odbora i prekršajna i krivična odgovornosti članova organa za provedbu izbora.

Centralna izborna komisija BiH edukaciji izborne administracije, kako članova općinskih/gradskih izbornih komisija tako i uposlenih u općinskim/gradskim centrima za birački spisak, posvećuje posebnu pažnju.



U skladu sa Uputstvom o rokovima i redoslijedu izbornih aktivnosti za Opće izbore 2022. godine koji će se održati u nedjelju, 02. oktobra 2022. godine rok za podnošenje prijava za glasanje izvan BiH istekao je 19. jula 2022. godine u ponoć.



Putem aplikacije e-Izbori nalog je otvorilo oko 88.000 osoba od čega oko 10.000 osoba nije završilo postupak prijave, iako su po dva puta bili obaviješteni na mail da završe postupak prijave, te takve prijave neće biti razmatrane.

Obzirom da su se, osim elektronski, prijave mogle podnijeti i putem telefaksa, na taj način je primljeno oko 1.400 pošiljki koje su u obradi (postoji mogućnost da ima duplih prijava, za više osoba u jednoj pošiljki i slično).

Centralna izborna komisija Bosne i Hercegovine će u avgustu 2022. godine objaviti precizne podatke o broju prijava koje ispunjavaju ili ne ispunjavaju uvjete, kao i statistike po državama i druge statistike.

U skladu sa Izbornim zakonom BiH i Uputstvom o postupku žrijebanja političkih subjekata za utvrđivanje redoslijeda na glasačkom listiću Centralna izborna komisija BiH je 21. jula 2022. godine provela postupak žrijebanja političkih subjekata za utvrđivanje redoslijeda na glasačkim listićima za Opće izbore u Bosni i Hercegovini zakazane za nedjelju, 02.10.2022. godine..

Centralna izborna komisija BiH je na osnovu zapisnika o provedenom žrijebanju donijela odluku kojom je utvrđen redoslijed političkih subjekata na glasačkim listićima koji će se primjenjivati na Općim izborima u BiH 2022. godine i istu možete pogledati na <https://bit.ly/3PXWnsk>.

Centralna izborna komisija BiH je na osnovu zapisnika o provedenom žrijebanju donijela odluku kojom je utvrđen redoslijed političkih subjekata na glasačkim listićima koji će se primjenjivati na Općim izborima u BiH 2022. godine i istu možete pogledati na <https://bit.ly/3PXWnsk>.



Snimak žrijebanja je dostupan na youtube kanalu Centralne izborne komisije BiH:

<https://www.youtube.com/watch?v=bQ3TdAI49yM> .

Centralna izborna komisija Bosne i Hercegovine je na 35. sjednici održanoj 25.07.2022. godine razmatrajući Izvještaj o izvršenim provjerama kandidatskih listi i kandidata političkih stranaka i koalicija za učešće na Općim izborima 2022. godine, nakon isteka roka za otklanjanje nedostataka, završila proces ovjere kandidatskih listi i kandidata koji ispunjavaju zakonom propisane uslove.



Od 78 kandidatskih listi koje su imale nedostatke ili nepravilnosti, CIK BiH je ovjerala 72 kandidatske liste od kojih je jedna ovjerena samo u dijelu koji ispunjava uvjete, jer nisu u cjelosti otklonjeni nedostaci. CIK BiH je odbila ovjeru 6 kandidatskih listi jer ne ispunjavaju zakonske uvjete za ovjeru. U postupku ovjere kandidatskih listi i kandidata CIK BiH je ovjerala 822 kandidatske liste uključujući ranije ovjerenih 17 neovisnih kandidata. Rok za objavu ovjerenih kandidatskih listi u službenim glasilima i sredstvima javnog informiranja je do 18.08.2022. godine.

Na osnovu Odluke o načinu izrade, obliku i sadržaju, čuvanju, upotrebi i uništavanju štambilja kojim se utiskuju glasački listići na Općim izborima u BiH zakazanim za 02.10.2022. godine, zahvaljujući finansijskoj podršci Vlade Ujedinjenog Kraljevstva, kroz prijekat koji će realizirati Udruženje izbornih zvaničnika u BiH, dana 26.07.2022. godine je sa firmom „Mojić“ iz Bijeljine, koja je generalni zastupnik za BiH kompanije Trodat iz Austrije, ugovorena izrada oko 6.000 sigurnosnih ekoloških štambilja za svako biračko mjesto u BiH.



Povodom nabavke sigurnosnih ekoloških štambilja, firmu „Mojić“ u Bijeljini posjetio je dr. Suad Arnautović, predsjednik Centralne izborne komisije BiH.



Sigurnosni ekološki štambilj će se otiskivati na prednjoj strani glasačkog listića, u donjem lijevom uglu, ispod uputstva za glasanje. Pored sigurnosnog ekološkog štambilja sa desne strane potpisuje se ovlašteno lice, tj. član biračkog odbora zadužen za izdavanje glasačkih listića.

Centralna izborna komisija BiH je uvela ovu novinu upotrebe sigurnosnog ekološkog štambilja na biračkom mjestu sa ciljem da poboljša postojeći nivo povjerenja javnosti u integritet i pravičnost izbornog procesa.



Centralna izborna komisija Bosne i Hercegovine je na 36. sjednici održanoj 28.07.2022. godine, pored ostalog, imenovala direktora i zamjenike direktora Glavnog centra za brojanje za provedbu Općih izbora u Bosni i Hercegovini zakazanih za nedjelju, 02.10.2022. godine. Za direktora je imenovan Goran Mišković, a zamjenici direktora su Ermin Kos, Adi Agić i Bojan Simović.



Na istoj sjednici Centralna izborna komisija BiH je usvojila Izvještaj o realizaciji edukacije i informiranje birača izvan BiH. Naime šest timova je u junu i julu posjetilo 15 diplomatsko-konzularnih predstavništava Bosne i Hercegovine u Evropi.

Centralna izborna komisija BiH je, u skladu sa Izbornim zakonom BiH, ove posjete organizirala u saradnji sa Ministarstvom vanjskih poslova BiH. Osim edukacije birača izvan BiH cilj navedenih aktivnosti je bio i provjera uslova za otvaranje biračkih mjesta u diplomatsko-konzularnim predstavništvima Bosne i Hercegovine, pogotovo imajući u vidu činjenicu da se za ove izbore povećao interes za glasanje u DKP-ima.



Iz kompanije SPM-Security Papers s.r.o. iz Češke Republike je 29.07.2022. godine transportovan prvi kontingent papira za štampanje glasačkih listića za Opće izbore u BiH, koji će se održati u nedjelju, 02.10.2022. godine.



Prvi kontingent papira za štampanje glasačkih listića je, uz policijsku pratnju i nadzor, kao i uz pratnju i kontrolu ovlaštenih osoba iz Centralne izborne komisije BiH, transportovan do kompanije “Unioninvestplastika” d.d. Sarajevo koja će realizirati usluge štampanja i pakovanja glasačkih listića.

Za potrebe štampanja oko 14 miliona glasačkih listića nabavlja se 120 tona papira.

O početku štampanja glasačkih listića Centralna izborna komisija BiH će javnost blagovremeno obavijestiti.



U skladu sa članom 6.9 stav (1) Izbornog zakona BiH Apelacioni odjel Suda Bosne i Hercegovine nadležan je da rješava po žalbama na odluke Centralne izborne komisije BiH. Žalba se podnosi Apelacionom odjelu Suda Bosne i Hercegovine u roku od dva dana od dana prijema odluke Centralne izborne komisije BiH.

Za juni/juli 2022. godine iz sudske prakse izdvajamo:

Broj: S1 3 Iž 043044 22 Iž Sarajevo, 20.06.2022. godine			
PRIMLJENO: 21-06-2022			
Organizaciona jedinica	Klasifikaciona oznaka	Redni broj	Broj prilo
06-1	07-1	1259	1

Sud Bosne i Hercegovine u Sarajevu, u vijeću Apelacionog odijeljenja sastavljenom od sudija, Redžiba Begića, predsjednika vijeća, Mirsade Džindo i Mirka Božovića, članova vijeća, odlučujući o žalbi izjavljenoj protiv odluke Centralne izborne komisije Bosne i Hercegovine, broj: 06-1-07-1-1259/22 od 02.06.2022. godine, na nejavnoj sjednici održanoj dana, 20.06.2022. godine, donio je

22

R J E Š E N J E

Žalba se odbija.


Odlukom Centralne izborne komisije Bosne i Hercegovine, broj: 06-1-07-1-1259/22 od 02.06.2022.godine, odlučeno je o prestanku mandata žalitelja, kao poslanika u Narodnoj Skupštini Republike Srpske, izabranom na općim izborima 2018.godine sa kandidatske liste političkog subjekta SRPSKA DEMOKRATSKA STRANKA – (SDS-SRSRS-SRS) te utvrđeno da isti prestaje sa danom donošenja odluke. Stavom (2) odlučeno je da će se upražnjeni mandat dodjeliti sljedećem kvalifikovanom kandidatu sa liste političkog subjekta SRPSKA DEMOKRATSKA STRANKA – (SDS-SRSRS-SRS).

U obrazloženju žalbe navodi da prilikom donošenja pobijane odluke CIK BiH nije uzeo u obzir činjenicu da je žalitelj podnio zahtjev da se izrečena kazna zatvora zamijeni novčanom kaznom s obzirom da ne prelazi godinu dana u skladu sa članom 46.a stav 3. KZ RS, a dopunom žalbe navodi da mu je rješenjem Okružnog suda u Bijeljini uvažena žalba te mu se kazna zatvora u trajanju od 10 mjeseci, zamjenjuje novčanom kaznom u iznosu od 15.000,00 KM.

Iz citiranih odredaba jasno proizilazi da je prestanak mandata pravna posljedica osude koja se ne mjenja ni zamjenom kazne zatvora novčane kazne (član 1.10 stav (1) tačka 4. Izbornog zakona BiH), pa stoga svi žalbeni navodi kojima se ukazuje na pogrešnu primjenu materijalnog prava nisu osnovani.

Ovo posebno kada se ima u vidu da je Izborni zakon BiH u odnosu na izborna pitanja i sve postupke koji nastanu u vezi sa istim – lex specialis propis, pa slijedeći pravnu maksimu "lex specialis derogat legi generali", vijeće je donijelo odluku kao u dispozitivu.

Broj: S1 3 Iž 043117 22 Iž
Sarajevo, 01.07.2022.godine



Sud Bosne i Hercegovine u Sarajevu, u apelacionom upravnom vijeću sastavljenom od sudija Dinke Bešlagić-Čovrk kao predsjednik vijeća, Vesne Trifunović i Zvezdane Antonović kao članova vijeća, odlučujući o žalbi izjavljenoj protiv rješenja Centralne izborne komisije Bosne i Hercegovine broj 06-1-07-1-1256/22 od 09.06.2022. godine o davanju saglasnosti za imenovanje zamjenskog člana Opštinske izborne komisije Ilijaš, u nejavnoj sjednici, održanoj dana 01.07.2022. godine, donio je

RJEŠENJE

Žalba se odbija.

Protiv navedenog rješenja blagovremenu žalbi podnijela je imenovana zamjenska članica Opštinske izborne komisije Ilijaš, zbog pogrešne primjene materijalnog prava, pogrešno utvrđenog činjeničnog stanja i povrede pravila postupka. U žalbi navodi da se prijavila na Javni oglas za izbor i imenovanje dva člana Izborne komisije Ilijaš i da ispunjava sve uslove oglasa. Ističe da ima zavidno izborno i pravno iskustvo i da je trebala biti imenovana na mandat od 7 godina, a ne zamjenskog člana. Nadalje ističe da nisu ispunjeni zakonski uslovi iz člana 2.15 stav 1 Izbornog zakona kada se može imenovati zamjenski član. Navedena norma je neprimjenjiva u konkretnom slučaju jer nije imenovan član koga bi mogla zamijeniti.

U odgovoru na žalbu Centralna izborna komisija Bosne i Hercegovine navela je da je žalba neosnovana, jer je data saglasnost na odluku o izboru zamjenskog člana Opštinske izborne komisije koji se prijavio na Javni oglas i ispunjava propisane uslove. Usljed činjenice da je Centralna izborne komisija BiH donijela Odluku o raspisivanju i održavanju Opštih izbora 2022. godine, izborne komisije moraju biti popunjene i stoga smatra da je prilikom donošenja osporavanog rješenja postupljeno pravilno i zakonito, te predlaže da se žalba odbije.

Izbor tužiteljice kao zamjenskog člana izvršen je upravo na osnovu člana 2.15 stav 2 Izbornog zakona, za koji je ožalbenim rješenjem utvrđeno da je pravilno primjenjen i da žaliteljica ispunjava sve propisane opšte i posebne uslove za imenovanje. Time su ispitane sve relevantne činjenice za primjenu člana 2.12. stav 6 Izbornog zakona BiH prema kome Centralna izborna komisija daje saglasnost na imenovanje članova izborne komisije.



Pošaljite nam Vašu mail adresu na kontakt@izbori.ba sa naznakom “Za prijem Biltena Centralne izborne komisije BiH” i novi broj Biltena Centralne izborne komisije BiH će Vam biti dostavljen.

KRAJ